

Newspaper	Utusan Malaysia
Date	23 June 2015

Kuatkan semangat patriotisme

Um - 23/6/2015

KUALA LUMPUR. 22 Jun - Generasi muda perlu mencontohi semangat patriotisme yang ditunjukkan pasukan keselamatan negara dengan sanggup berkorban jiwa dan raga demi mempertahankan kedaulatan tanah air.

Yang Dipertua^Badan Amal darf Kebajikan Tenaga Isteri-Isteri Menteri dan Timbalan Menteri (Bakti) Datin Seri Rosmah Mansor berkata semangat patriotisme sangat penting bagi memastikan rakyat negara ini yang berbilang kaum berada dalam suasana aman, harmoni dan stabil.

"Malah, semangat patriotisme ini amat diperlukan pada masa kini apatah lagi kita sedang dilanda oleh ledakan teknologi maklumat dan dunia globalisasi yang menuntut semangat patriotisme yang tinggi dan kental.

"Meskipun negara telah mencapai kemerdekaan lebih daripada setengah abad, ini tidak bermakna semangat patriotisme tidak lagi penting bagi rakyatnya," katanya ketika berucap pada majlis penyampaian sumbangan bungkus Hari Raya Aidilfitri kepada pasukan keselamatan negara di Bangunan BAKTI Siti Hasmah di sini, hari ini.

Turut hadir Ahli Kehormat Bakti Tun Dr. Siti Hasmah Mohd. Ali, Panglima Angkatan Tentera Jeneral Tan Sri Zulkifeli Mohd. Zin dan Ketua Polis Negara Tan Sri Khalid Abu Bakar.

Isteri perdana menteri itu berkata patriotisme adalah semangat kenegaraan yang melangkaui batas-batas bangsa, agama, bahasa dan budaya iaitu tidak boleh ada tolak ansunya dalam hal ini.



ROSMAH MANSOR (kanan) dan Dr. Siti Hasmah Mohd. Ali beramah mesra ketika majlis Penyerahan Sumbangan Hari Raya Kepada Pasukan Keselamatan Negara 2015 di Kuala Lumpur, semalam. - BERNAMA

"Bagi Malaysia yang sentiasa mengamalkan demokrasi, kita boleh bertelagah, berselisih faham mahupun berlainan ideologi politik dan pandangan, namun dalam soal semangat patriotisme dan sayangkan negara kita perlu berdiri sebagai satu bangsa yang bersatu padu dan kuat," katanya.

Rosmah berkata sekiranya rakyat tidak cintakan negara,

mereka lebih senang dipengaruhi dan dipecah belahkan sekali gus mudah imtuk mana-mana musuh memusnahkan bangsa yang bermusuh sesama sendiri.

Pada tahun ini Bakti menyediakan 49,500 kotak juadah hari raya untuk diagihkan kepada pasukan keselamatan negara bersempena sambutan Aidilfitri bulan depan. -

BERNAMA